

八瓊室金石補正

第十八册

八瓊室金石補正卷三十四

太倉陸增祥撰

男 繼輝校錄

吳興劉承幹覆校

唐 六

姜行本紀功碑

貞觀十四年六月廿五日 萃編載卷四十五額五行行三字萃編以額為標

題

治化所沾

缺治字

咸暨

咸誤成

灝海

缺灝字

夷涖

夷作夷涖字

閒屈

戎旅竊多榜五

缺戎旅竊多榜五字五誤玉

磨口至今靡遵聲教

磨誤

注

缺遵聲教三字

廟諱

狻猊

缺狻猊字

蜂薑之毒

缺毒字

賊數

殺數誤

但

妖氛

缺但字

百木冰砒

缺砒字

葬日

葬誤

化齊得一

齊誤濟缺一字

陣開龍滕

缺滕字

胡風晝昏

缺昏字

司馬安□真詞

下二字缺

灋卽灋洎當卽泊榜五者旁午之異文磨卽厯厯
下右旁似局不可強識司馬下關中金石記作太
真詞具行五字諦審之真上似是安字具行二字
亦未的石泐處碑空不書萃編於前軍上作一□
非碑無標題萃編以額當之書體多乖殆非文人
所爲萃編多以正字錄入不具述未盈旬月月字
旁注庚子下碑有空格或以爲閏六月按六月丁
卯朔與通鑑目錄合是年閏十月非六月也据授
堂金石跋碑側可補八字而驍衛將軍授堂作武

衛未知孰是此本失拓碑有翻本字多譌謬

濮陽令于孝顯碑

高五尺五寸廣二尺二寸廿九行行五十八字字徑五分正書有界格篆額四行行四字字長徑二寸陽文題云大唐故騎都尉濮州濮陽縣令于君之碑在三原

大唐故騎都尉濮州濮陽縣令□君之碑

君諱孝顯字犀角河陰河南人也肇自赤雀棲戶白魚躍舟時經百代歲逾千祀崇基緬邈與嵩峨而齊高華胄芬芳共蘭蓀而竝馥廷尉以陰□□□名播漢朝將軍以陷陳揚麾聲流魏室自此琳琅接耀軒冕連陰雖張湯之七葉珥貂郗鑒之四世台鼎方之蔑如也曾祖

提魏孝文以勅勤地居□□氣接幽都陸梁狼望之前
掘強龍庭之外遂授公節鉞奉使宣威公喻以存亡示
其禍福勅勤犁頽樹領獻馬稱藩主上嘉使乎之功授
以佗北將軍隴西太守自魏厯將終周圖已世先臣舊

佐咸加爵賞蒙授使持節太傅柱國大將軍封建平郡
開國公從班例也祖瑾周太師三老尙書右僕射柱國
燕國公謚曰文巨川舟楫鼎鹽梅燹理陰陽寒燠無
急舒之□弼諧王道□令有清靜之歌父禮周使持節
大候正大將軍趙州刺史安平郡開國公周武帝親御
六軍問罪東夏躬麾九伐爰愁西師乃以公爲大使惣

知兵馬節度申

公

居鼎柱之□齊王處帝弟之親咸皆

稟其英謨諮其進心公牙施十計閒出六奇或飛書下

城或舉旗陷陣

猶衝

颶之卷寒揮旭日之泮春冰曾未

浹辰僞都平蕩□武平齊之日惣集僞官謂高阿艱肱

口平鄉國者由此人也昔吕子牙之佐周号鷹揚而滅

紂王士治之翼晉歌龍驤而殒吳

隔

代相望□無慙德

君竄川岳之靈膺星辰之氣角立傑出高翥獨翔括百

行之握機軼九德之軌躅一室不掃陳仲舉之生平万

里封侯班仲升之意氣發巖電於神彩韞荆

玉

於匈懷

騫騫如積風之運鵬昂昂如籥雲而泄驥開皇十三年

起家任右親衛非其好也阮嗣宗之傲誕屈以步兵馬
友子之文詞登之武騎俄而文皇晏駕煬帝嗣興剗刮
舊章草創新政璿室瑤臺之制邁辛癸之宮車轍馬跡
之行越姬劉之幸公乃告歸託疾養素邱園不事王侯
鑿坏而已於是親賓斷問慶弔不通保周陂而訪三姜
依蔣侄而尋二仲甘樂山藪木石爲隣蕪歌唱而白雲
凝邱琴奏而元鶴舞讀張衡之賦且悅歸田諷宋玉之
詞甯憂失職逮隋風已替率土兮崩九服移心三靈改
卜天星驟落海水口飛萬姓嗷嗷瞻烏靡所太上皇
龍躍晉野鳳舉秦川揮寶劒而斬素靈擁神兵而膺赤

伏羣雄畢湊衆善咸歸遂杖劔轅門投□獻款蒙補左
武侯錄事參軍于時義甯元年也皇圖僭落 帝典權
輿王□充叛換洛川竇建德犇陵河朔蟻聚蜂扇狼顧
鷄張駟掠我黎元違拒我聲教眷言經略理資英傑乃
授元帥府鎧曹叅軍於是破八閩堡清城宮□太陽門
陷陣先登獲勲第一蒙授騎都尉武德四年授雍州錄
事叅軍虜神州之要居輦轂之下五方雜沓四民設阜
糺撓姦伏思若有神不待赭汗之權詎勞鈎距之詐貞
觀元年又授朝議郎行濮州濮陽縣令君下車布政除
煩去瘼而移風易俗□□三年俗富刑清纔踰朞月還

牛恕米是表於深仁馴雉移蝗弥彰於善政豈止沉丕
鄴縣留神灌壇而已哉水積歸塘竟滔滔東注日沉
昧谷遂黯黯而西徂辰已之夢忽鍾膏肓之祟便及以
貞觀十年四月四日寢疾卒于濮陽官舍春秋六十四
陶潛琴酒對彭澤而誰懽言儻絃哥臨武城而莫奏嗚
呼哀哉君器宇淹滲風神秀逸襟懷肅穆与寒松而並
勁志氣蕭條共秋天而競爽履仁爲度蹈義成基不以
富貴矯人常以謙虛待物可謂泚人君子邦家之彥者
歟爰以貞觀十四年歲次庚子十一月壬寅朔十日戊
子遷窆于雍州三原縣洪壽鄉之原夫人李氏平昌縣

主

皇帝堂姑王姬下降作嬪君子四德□□中饋六行懋
于閨儀婉孌馳聲幽閑表德既而于君長逝守志孀居
同穴之義莫從異路之悲奄至撫育遺稚皆遵禮度雖
享豕存教斷織貽訓曾何足云嫡子亡則等並學稟箕
裘德齊顏閔竭忠貞以事主極愛敬以安親列鼎切季
路之懷從車軫曾叅之歎乃詢諸古老孝之前代紀素
譽於元石刻遺範於幽埏庶感風樹之悲以慰寒泉之

思文曰

逝矣洪源遐哉峻趾崇山億丈長河千里陸離英彥森

梢杞梓纓冕通承琳琅間起

其廼祖英果懍懍申霜廼

父誠績諄諄勤王雄圖獨運逸氣孤翔東佗獻凱北使

歸壇

其

薦生君子風神特達□侍丹墀警巡紫闥腰韉

負羽橫戈戴鵬驥駉既馳湛盧方割

其

有隨道匪滄海

橫流知機體命卜築林邱

一人御物六合承休翻然

筮仕佐府叅州

其

叅州伊何繩違糾惡佐府伊何檠弓

砥鐸姦魁息訟邊隅靜析衢路風生戈矛霜落

其

一同

出宰百里□風霜威狡獪露惠釐窮庾期永錫如何不

終武城絃絕彭澤

樽

空

六

人事

浮

促生靈□□孫楚長

埋韓□永逝朝思餘藻野悲遺惠先秋刈蘭當春剪桂

其七

□□□□□□□□俄悲谷徙遽歎舟藏松風厲□

□□□□□□□□□□□□

孝顯之曾祖提魏書與朱長生同列節義傳以使高
車不辱命歸拜隴西太守賜爵五等男祖謹字思敬
周書有傳保定三年詔以太傅燕國公謹爲三老帝
親幸太學以禮食之天和二年授雍州牧三年薨於
位贈雍州刺史諡曰文父禮謹之第四子上大將軍
安平郡公周書附見謹子實傳唐書宰相世系表誤
以禮爲謹之第八子世系表又謂謹從西魏孝武帝
入關遂爲京兆長安人周書謹傳則云河南洛陽人

此碑又云河陰河南人也唐書謹曾孫志甯傳亦云
京兆高陵人蓋謹子實翼義皆家關中其後爲京兆
人孝顯父子則仍居祖籍爲河南人河陰郡東魏所
置今孟津縣地河南縣卽今洛陽縣地孝顯之祖周
書本傳及唐書世系表皆作謹獨此碑作瑾孝顯之
窆以壬寅朔十日當是辛亥碑作戊子誤

筠清館
金石記

按唐書宰相世系表于氏出姬姓周武王子邠叔子
孫以國爲氏其後去邑爲于氏自東海郟縣隨拓拔
隣徙代改爲万紐于氏後魏孝文時復爲于氏栗磾
生洛拔洛拔生天恩天恩生仁仁生子安子安生子

提北史于栗磾傳栗磾孫致致弟天恩天恩子仁生
位太中大夫仁生子安定平原郡太守高平郡都
將安定子提隴西郡守唐書以仁生作仁安定作
子安誤于提之子衍此碑與魏書節義傳周書于謹
傳並提生謹從西魏孝武帝入關爲京兆長安人此
作提

碑云河陰河南人者後魏都洛陽洛拔諸子皆徙河
南從孝武入關則自謹始而周隋史傳仍以謹爲河

南洛陽蓋于氏兩京皆有第宅如兩唐書于志甯傳

並云高陵人

京兆屬縣

據志甯墓碑薨於東都安衆里第

而傳亦以爲卒於家也白魚赤雀系朔姬周廷尉名
播漢朝謂于公之啟定國將軍聲流魏室謂栗磾以
冠軍將軍佐道武平趙魏也魏書節義傳于提與朱

長生使高車阿伏至羅脅之降不從積三歲乃得還
高祖以守節同蘇武甚嘉之拜提隴西太守賜爵五
等男北史高車傳太和十四年阿伏至羅奉貢孝文
使于提往觀虛實阿伏至羅與窮奇遣使隨提朝貢
詔員外散騎侍郎可足渾長生復與于提使高車唐
書回紇傳其先匈奴元魏時亦稱高車部或曰勑勒
碑云奉使勑勒勑勒卽勑勒勑勒卽高車與魏書北
史正合唐書又稱回紇依託高車臣屬特厥近謂之
特勒又突厥傳可汗者猶古之單于其子弟謂之特
勒通鑑考異特勒諸書或作特勤今從新舊二唐書

予藏涼國公契苾明碑乃武后時婁師德製文殷元
祚正書序云明祖繼莫賀特勤銘云特勤垂裕顧氏

炎武

金石文字記載柳公權神策軍碑有大特勤

沒斯並作特勤是碑勅勤地居□□勅勤犁賴一見
再見字皆作勤蓋勅之作特以音近而通勤之作勒
以形似而誤顧氏據史而疑石刻錢氏

大昕

養新錄

則據碑以訂史文得此證之錢說彌允史多傳寫失
真碑乃當時手蹟必以爲書碑筆誤焉有一碑屢誤
諸碑同誤不謀而畫一耶是史誤而碑不誤也□西
闕字當卽隴西北史謂周保定二年以子謹著勲追

贈太保健平郡公據碑則建平之封乃從班例惟太保爲追贈故碑不之及也于謹史皆作謹碑作瑾以字思敬推之從謹爲正碑書誤也宰相世系表謹九子實翼義智紹弼簡禮廣表詳實翼義子孫世次餘皆未列北史謹子實實弟翼翼弟義義弟禮禮弟智智弟紹紹弟弼弼弟蘭蘭弟曠蘭與簡曠與廣字既小異而序次亦殊實子仲文獄中上書有云弟二叔翼第三叔義第五叔智則禮次於義較爲有據禮上將軍趙州刺史安平郡公官爵正與碑合碑文父下闕字爲禮無疑

祥案碑不闕

齊王處帝弟之尊謂周武弟